

**XV RADNA SJEDNICA UPRAVNOG ODBORA**  
**Javne ustanove Bosansko narodno pozorište Zenica**

**Z A P I S N I K**

MJESTO:     **zgrada Javne ustanove Bosansko narodno pozorište Zenica,**  
              **Trg Bosne i Hercegovine broj 3, Zenica,**  
              **II sprat, Kancelarija broj 45**  
DATUM:     **ponedjeljak, 29. 04. 2024. godine**  
VRIJEME:   **15.30 h**

**Sjednici prisustvuju:**

1. dipl. pravnik **Una Kulenović**, predsjednica
2. dipl. profesor **Aldina Aganović**, članica
3. dipl. glumac **Adis Mehanović**, član

**ZAPISNIČARKA:**

4. **Selma Tabaković-Jašar**, voditeljica Pravne službe JU BNP Zenica.  
Sjednici prisustvuje i direktor BNP Zenica, **Miroljub Mijatović**.

**Dnevni red:**

1. Usvajanje Zapisnika sa 14. radne sjednice;
2. Kraći izvještaj o realiziranim i planiranim programsko-repertoarskim aktivnostima i fazi organizacije festivala bh. drame Zenica 2024. – *izvjestilac*: direktor JU BNP Zenica;
3. Donošenje odluke o objavi javnog oglasa za zakup prostora *Kabare kluba*;
4. Dostava na uvid izvještaja neovisnog revizora za 2023. godinu;
5. Razno

**ZAKLJUČAK:** Upravni odbor JU BNP Zenica jednoglasno usvaja Zapisnik sa četrnaeste radne sjednice, koji je prethodno dostavljen elektronskim putem.

**2. Kraći izvještaj o realiziranim i planiranim programsko-repertoarskim aktivnostima i fazi organizacije festivala bh. drame Zenica 2024. – *izvjestilac*: direktor JU BNP Zenica;**

Informacija 1: Direktor JU BNP Zenica informiše Upravni odbor da je realizacija teatarskog dijela programa 27. Međunarodne kulturne manifestacije „Zeničko proljeće 2024“ Zenica protekla prema planu, a shodno prethodno dostavljenoj informaciji na XIV radnoj sjednici Upravnog odbora. Premijerna izvedba predstave „Što je muškarac bez brkova“ u režiji Ivana Lea Leme uspješno je realizirana 26. aprila 2024. godine, u okviru ove manifestacije. Takođe, Grad Zenica kao organizator je blagovremeno izvršio uplatu namjenskih sredstava za JU BNP Zenica, na ime troškova organizacije teatarskog dijela programa 27. MKM „Zeničko proljeće 2024“ Zenica. Direktor JU BNP Zenica dostavlja informaciju da su finansijske obaveze nastale tokom pripreme i realizacije navedene premijere u potpunosti izmirene.

Informacija 2: Što se tiče pripreme XXIII festivala bh. drame Zenica 2024., u narednom periodu očekuje nas i festivalska premijera predstave „Kiselina“ koja se realizuje u koprodukciji sa partnerom – Scena MESS, a koji preuzima dio troškova pripreme za gostujuće glumce.

Prva faza u periodu od 22. do 30. aprila 2024., godine realizira se u Sarajevu, te će JU BNP Zenica osigurati troškove puta i dnevnica za glumicu Selmu Mehanović.

Počevši od 03. maja priprema ove predstave održava se u Zenici, do njene premijere planirane za 23. maj 2024. godine na sceni JU BNP Zenica.

Što se tiče troškova realizacije XXIII festivala bh. drame u dijelu koji se odnosi na troškove učešća selektovanih predstava, isti iznose okvirno =50.000,00 KM. Navedena sredstva su obezbijedena u cjelosti.

Informacija 3: JU BNP Zenica će sa predstavom „Tri dana ili Uspon i pad gospodina B.“ u mjesecu maju gostovati u Crnoj Gori, odnosno u Pljevljima i Bijelom polju, prema prethodno ugovorenim uslovima.

Nakon završetka XXIII festivala bh. drame, početkom mjeseca juna JU BNP Zenica očekuje gostovanje na Teatar fest „Petar Kočić“ u Banja Luci, sa predstavom „Drama o Mirjani i ovima oko nje“. Na ovom festivalu JU BNP Zenica učestvuje ponovo nakon 10 godina.

Zatim, krajem mjeseca juna planirano je i festivalsko gostovanje u Jajcu na 43. Pozorišnim/kazališnim, igrama te trenutno očekujemo informaciju o selektiranoj predstavi („Medeja“ ili „Drama o Mirjani i ovima oko nje“).

Takođe, do početka godišnjeg odmora planirana je provedba pripremne faze nove predstave u režiji mlade rediteljice Ajle Bešić, trenutno pripravnice JU BNP Zenica. Predstava bi se trebala izvoditi u prostorima Podrumske scene.

Nastavak radnog procesa u ovoj predstavi planiran je u mjesecu septembru, a što će zavisi i od planirane nabavke za potrebe realizacije projekta zamjene poda na Velikoj sceni. S obzirom da postupak javne nabavke od strane osnivača nije još pokrenut, moguće su određene izmjene u prethodno planiranoj sanaciji.

**ZAKLJUČAK:** Upravni odbor JU BNP Zenica prima na znanje dostavljene informacije.

U okviru ove tačke dnevnog reda član Upravnog odbora JU BNP Zenica, Adis M., ujedno glumac ansambla predstave „Što je muškarac bez brkova“ predlaže, uzimajući u obzir obim i zahtjevnost posla koji su obavili radnici na poslovima scenski dekorater, da se na određeni način isto nagradi.

Direktor JU BNP Zenica informiše da prijedlog o utvrđivanju novčane stimulacije radnika dostavlja nadležni rukovodilac, te u tom smislu ne može isto sugerirati, ali svakako može biti upućena napomena da se isto razmotri.

### **3. Donošenje odluke o objavi javnog oglasa za zakup prostora *Kabare kluba*;**

**ZAKLJUČAK:** Upravni odbor JU BNP Zenica jednoglasno donosi odluku o objavi javnog oglasa za prikupljanje ponuda radi zakupa prostora Kabare kluba u utorak, 07. 05. 2024. godine.

Takođe, planirano je da izabrani zakupac izvrši renoviranje prostora u periodu mjeseca jula i avgusta, kako bi isti počeo sa radom u mjesecu septembru 2024. godine. Upravni odbor neće uvažiti eventualne prijedloge da troškovi ulaganja utiču na umanjeње mjesečne zakupnine.

Upravni odbor JU BNP Zenica će detalje u vezi sa postupkom ocjene prijave pristiglih na javni oglas propisati posebnim poslovníkom, prije otvaranja ponuda.

### **4. Dostava na uvid izvještaja neovisnog revizora za 2023. godinu;**

**ZAKLJUČAK:** Izvještaj neovisnog revizora za 2023. godinu je prethodno dostavljen na uvid e-mail adrese članova Upravnog odbora. Direktor JU BNP Zenica takođe potvrđuje da je poslovanje JU BNP Zenica u prošloj godini ocijenjen pozitivno i uskladu sa zakonskim i podzakonskim propisima.

Upravni odbor JU BNP Zenica potvrđuje prijem informacije i istu prima na znanje.

### **5. Razno;**

Informacija 1: Direktor JU BNP Zenica obavještava Upravni odbor JU BNP Zenica da je na osnovu Uvjerjenja o nepostojanju duga prema Poreznoj upravi i prema sugestiji neovisnog revizora iz izvještaja za 2023. godinu, donesena odluka o otpisu dijela zastarjelih dugovanja/potraživanja prema JU BNP Zenica, utvrđenih na osnovu izvještaja i prijedloga Službe računovodstva i finansija.

Što se tiče značajnijih obaveza JU BNP Zenica, iz ranijih perioda preostalo je dugovanje na ime zakonske zatezne kamate u predmetima za naplatu KGZ i KN, te isto iznosi =52.125,00 KM.



JU BNP Zenica kontinuirano vrši isplatu mjesečne rate te je do sada namiren iznos zatezne zakonske kamate u 2 od ukupno 7 utuženih predmeta.

**ZAKLJUČAK:** Upravni odbor JU BNP Zenica prima na znanje dostavljenu informaciju.

*Informacija 2:* U okviru ove tačke dnevnog reda, direktor JU BNP Zenica dostavlja informaciju da će se u narednom periodu poduzeti određene aktivnosti radi uspostavljanja ponovne saradnje sa pozorištima u Beogradu i Zagrebu, radi realizacije mogućih gostovanja JU BNP Zenica.

**ZAKLJUČAK:** Upravni odbor JU BNP Zenica prima na znanje dostavljenu informaciju.

Sjednica je zaključena u 16.25 h.

**ZAPISNIČARKA**

\_\_\_\_\_  
Selma Tabaković-Jašar

**PREDSJEDNICA UPRAVNOG ODBORA  
JU BNP ZENICA**

\_\_\_\_\_  
Una Kulenović

Zapisnik je sačinjen na tri (3) numerirane stranice.

Zenica, 29. 04. 2024. godine  
Broj: 542/24